

TILMAAMO LOOGU TALOGALAY BUUXINTA FOOMKA OGGOLAANSHAHA

Ujeeddada: Waa in aad adeegsato foomkan marka aad doonaysid DCYF in ay usii dayso macluumaadka qarsoodiga ah ee adiga kugu saabsan qof kale (oo ay ka mid yihiin qareen, sharci-dejiye, ama qaraabo). Waxaad bixin kartaa fasax lagu sii daynayo ama lagu shaacinayo dhammaan diiwaanada sirta ama qarsoodiga ah ee ay DCYF adiga kaa hayso ama waxaad ku xaddidi kartaa fasaxaaga diiwaano gaar ah ama qaybo ka mid ah hay'adda. Foomkan wuxuu sidoo kale u oggolaanayaa DCYF in ay hadal ahaan ugala hadasho xaaladaada qofka aad u oggolaatay.

Oggaysiis ku socda Macaamiisha: Macluumaadka macamiilka badankii ee ay DCYF hayso waa qarsoodi loomana sii daynayo dadka kale haddii aad oggolaato fasax mooyaane ama haddii sii daynta uu sharciya oggolyahay. Kadib marka DCYF ay sii dayso macluumaadkaaga qarsoodiga ah, fadlan ogsoonow in qofka helayo laga yaabo in uusan u ilaalin diiwaanadaada si waafaqsan sharciyada ku habboon DCYF. DCYF kuuma diidi karto faa'iidooyinkaaga haddii aadan saxiixin foomkan si aad ugu oggolaato sii daynta DCYF haddii oggolaanshahaaga loo baahanyahay si loo go'aamiyo u-qalmiitaanka. Wixii macluumaad ah ee ku saabsan sida qaybaha daryeelka caafimaadka DCYF ee uu caymiyo HIPAA ay u wadaagaan macluumaadka caafimaadka dhawrsan iyo xuquuqaahaaga khusuusiyaada ah, fadlan la tasho Oggaysiiska DCYF ee Hab-dhaqanada Khusuusiyaada www.DCYF.wa.gov ama wayddii qofka ku siiyey foomkan. Waxaad heli kartaa nuqulka foomkan.

Isticmaalka: Waxaad u buuxin kartaa foomkan eliktaroonig ahaan ama gacan ahaan. Isticmaal furaha tabka ee kumbuyuutarka si aad ugu kala socoto godadka dhexdooda. Foom gaar ah waa in loo buuxiyo qof kasta ee diiwaanadiisa la codsaday, oo ay ka mid yihiin carruurta. "Adiga" waxaa loola jeedaa qofka ay khuseeyaan diiwaanada.

Qaybaha Foomka:

AQOONSASHADA QOFKA AY KHUSEEYAN DIIWAANADA:

- **Magaca:** Bixi magacaaga oo dhammeysiran ama magaca qofka diiwaanadiisa la codsadey haddii aad metalayso qof kale.
- **Taariikhda dhallashada:** Fadlan ku soo dar macluumaadkan ee loo baahanyahay si lagaaga aqoonsado shaqsiyaadka leh magacyada la midka ah.

MACLUUMAAD DOORASHO AH oo caawimo ka geysanayo helidda diiwaanada:

- **Magacyadii hore:** Kusoo dar magacyo kasta oo kale ee la adeegsaday marka la qaadanayey dheefo ama adeegyo.
- **Lambarka aqoonsiga macmiilka:** Bixi lambar kasta ee laga yaabo in DCYF ay u qoondeysay.
- **Lambarka kale ee aqoonsiga:** Ku dar aqoonsi kasta oo kale ee caawimo ka gaysan kara helidda diiwaanada DCYF. Kaliya bixi lambarka damaanada bulshada haddii loo baahdo.
- **Taariikhda iyo goobta adeegyada:** Bixi macluumaadkan si aad ugu caawiso DCYF in ay aqoonsato oo ay hesho diiwaanada aad doonaysid in lasii daayo.

SHAKHSIGA HELAYA DIIWAANADA:

- **Aqoonsiga:** Fadlan u buuxi qaybtan si buuxda oo suuragal ah si aan ula xiriirno qofka ama hay'adda helaya macluumaadkaaga qarsoodiga ah.
- **Sababta Sii daynta/Shaacinta:** Macluumaadkan waxaa loo baahan yahay ka hor inta DCYF aysan wadaagin diiwaanada caafimaadka dhimirka ama khamriga ama maandooriyaha. Haddii aadan buuxin qaybtan, DCYF waxay sheegaysaa sababta sii daynta in ay tahay codsigaaga.

OGGOLAANSHO:

- **Qaybaha DCYF:** Fadlan calaamadee midkood qaybaha DCYF ee aad doonaysid in ay siideyso diiwaanada ama calaamadee sanduuqa hoose ee qaybtan haddii aad doonaysid in ay helaan diiwaano kasta oo ay DCYF kaa hayso. Ku qor magaca barnaamijka "Kale" haddii uusan ku jirin liiska.
- **Macluumaadka la sii daayey/shaaciye:** Tilmaan diiwaanada aad doonaysid in la sii daayo. Waxaad oggolaan kartaa sii daynta ee dhammaan ama qayb ka mid ah macmiilkaaga DCYF ama diiwaanada kale ee qarsoodiga ah. Waxaad sidoo kale xaddidi kartaa sii daynta diiwaanada macmiilka kaliya qaybaha hay'adda ku calaamadeysan qaybta kor, ama diiwaanada gaarka ah ee lagu qoray foomkan ama lifaaq aad saxiixdo. Haddii ay jiraan wax xaddidaad ah oo ku saabsan diiwaanada aad doonaysid in la siidaayo, qor midkood diiwaanada gaarka ah ama sharax xaddidaadyada, sida taariikhda adeegyada ama nooca diiwaanka.
- **Diiwaanada xaddidan:** Haddii mid ka mid ah diiwaanada ay ku qoran yihiin macluumaadka ku saabsan daaweynta ama baaritaanka Cudurada Galmada La isku qaadsiiyo ama HIV/AIDS (aydhiska), daaweynta caafimaadka dhimirka, ama adeegyada daroogada ama khamriga, waa in aad calaamadeyso shay kasta si aad ugu oggolaato DCYF in ay sii dayso diiwaanadan. Waxaad u baahantahay in aad buuxiso foom gooni ah si aad u oggolaato sii daynta qoraallada daaweynta cilmi-nafsiga (45 CFR 164.508(b) (3) (ii)).
- **Ansaxnimada:** Foomkan wuxuu ansax u yahay in uu bixiyo macluumaadka ay hadda hayso DCYF. Fasaxaaga wuxuu dhacayaa 180 maalmood kadib saxiixa ama taariikh kale ama dhacdada aad bixiso. Haddii aadan bixin taariikh, oggolaanshaha wuxuu ansax ahaanayaa muddo 180 maalmood ah. Waxaad ka laaban kartaa awoodda lagu sii daynayo diiwaanada qoraal ahaan waqti kasta balse waxay noqonaysaa waqti dambe in dib loo soo ceshto macluumaadka hore loo soo saarey.
- **Qiimaha:** Qaanuunka diiwaanada guud ee RCW 42.56.120 iyo WAC 388-01-080 waxay u oggolaanayaan DCYF in ay lacag ku soo dalacdo nuqullada diiwaanada oo lagu daray kharashaadka boostada. Isbitaalada gobolka iyo xarumaha daryeelka caafimaadka waxay ku dalaci karaan lacag diiwaanada bukaanka iyada oo la eegayo Cutubka 70.02 RCW.

SIXIIXDA:

- **Haddii aad tahay qofka ay khuseeyaan diiwaanada,** saxiix oo sidoo kale daabac ama ku qor magacaaga hoos. Geli taariikhda aad saxiixday oo la socda telefoonkaaga ama lambarka xiriirka.
- **Haddii aad u saxiixayso qof kale,** tilmaan sababta aad sidaa u sameyn karto xariiqa ugu dambeeya waxaadna ku soo lifaaqdaa nuqulka amarka maxkamadda ama dokumeenti kale oo ku siinaya awood sharci. Carruurta waa in ay sidoo kale saxiixaan si ay fasax u bixiyaan si ay u sii daayaan diiwaanadooda qarsoodiga ah haddii ay ka weyn yihiin da'da oggolaanshaha (13 caafimaadka dhimirka iyo adeegyada daroogada iyo khamriga; 14 macluumaadka ku saabsan HIV/AIDS(aydhiska) ama Cudurada Galmada La isku qaadsiiyo (STD-yada kale); da' kasta ee xakameynta dhalmada iyo ilmo soo rididda; 18 diiwaanada caafimaadka iyo kuwa kale).

Markhaati ama nootaaye: Markhaati ama nootaaye ayaa loo baahan karaa si uu u xaqiijiyo aqoonsigaaga haddii aadan adiga shakhsi ahaan soo gudbin foomkan ama haddii barnaamij uu codsado xaqiijin. Qofkan waa in uu saxiixoo oo uu qoro magaciisa ama magaceeda.

OGGAYSIIIS KU SOCDA DCYF: Haddii diiwaanadan ay ku jiraan macluumaadka HIV(aydhiska) ama Cudurka Galmada La isku qaadsiiyo (STD), DCYF waa in ay ku wargeliso qaateyaasha in macluumaadka uu yahay mid qarsoodi ah iyo in aysan sii dayn karin diiwaanada oggolaansho gaar ah la'aan sida uu u baahan yahay RCW 70.02.300. Haddii DCYF ay ku dirto nuqullada diiwaanada khuseeya adeegyada daroogada iyo khamriga iyada oo la eegayo oggolaanshahan, DCYF waa in ay ku soo darto bayaankan soo socda marka ay sii daynayso macluumaadka sida uu u baahan yahay 42 CFR 2.32: Macluumaadkan waxaa lagaaga soo sii daayay diiwaano ay ilaalinayaan Sharciyada qarsoodiga ama sirta ee Federaalka (42 CFR qaybta 2).

Sharciyada Federaalka waxay kaa mamnuucayaan in aad ku sameysid sii dayn kale oo dheeri ah macluumaadkan haddii sii dayn dheeri ah si cad loogu oggolaaday oggolaanshaha qoraalka ah ee qofka arrinta ay khuseysa ama haddii kale lagu oggolaaday sharciya 42 CFR qaybta 2. Oggolaansho guud oo loogu talagalay sii daynta macluumaadka caafimaadka ama macluumaad kale ma AHAN mid ku filan ujeeddadan. Sharciyada Federaalka waxay xaddidayaan isticmaal kasta ee ah macluumaadka si dambi ahaan loo baaro ama dambi loogu soo oogo bukaan ku xadgudbey daroogo ama khamriga.